

補正惠民縣志

補正惠民縣志

惠民縣志補遺

纂修姓氏

主修

惠民縣知縣庚寅進士

河南扶柳 堂 純齋

纂修 邑人

己丑科舉人

李鳳岡 荔邨

校勘 皆邑人

丙子科舉人候選知縣

武錫慶 子餘

丁酉科拔貢

高紹顏 卓堂

鴻臚寺序班

李樹清 湘臣

惠民縣志

纂修姓氏

廩生

商應安 靜軒

廩生

李世蔭 藹人

廩生

張佩昱 少璠

繕謄 皆邑人

附生

高祐 受臣

增生

張佩哲 少卿

採訪 皆邑人

廩生

李士奇 振芬

歲貢生

王棣 韓卿

歲貢生

祝瀨 淑東



惠民縣志補遺目錄

地輿志 隄防 共三條 西惠民溝附

學校志 義學 共三十三條 賓興學田附
元卷

五行志 祥異

賦役志 稅契

職官志 官師

選舉志 徵辟 舉人 恩貢 拔貢 歲貢

人物志 名宦 孝友 義行 列女

藝文志 記 書後附

惠民縣志

目錄

二

惠民縣志補遺小序

惠民縣舊志工竣於光緒十二年其魚魯之訛正之採訪之遺補之無如限於板片且由十二年以至於今又十五年矣應志者多因與邑舉人李鳳岡商爲補遺一卷體例一本舊志藝文並編入公所作詢芻追筆一篇以遙隄之修闕乎民命可爲炯鑒也將付梓人聊序緣起用弁簡端時光緒二十六年九月知縣事柳堂謹序

惠民縣志補遺

志乘失脩歷有歲年後之人於文獻無徵之日爬羅搜訪誠不能必其無遺若有舊志可因豈敢意爲去取而或繕謄偶脫校勘未詳錯誤亦往往間出茲特就舊志詳加核對偶有所得隨手摘錄並益以志成以後數條以爲補遺云

地輿志

隄防

志書地輿一卷首疆域次河渠而隄防附焉自黃流入濟水患頻仍昏墊之苦日益甚興築之勞日

惠民縣志

地輿志

四

益多長隄之興乃

朝廷不得已之極思也而卒以無補每當汎濫之歲隄工紛煩或官爲督催或民自奮躍始爲創舉繼則因仍從前載之詳而後此胡可略焉

大清河隄工

光緒二十二年七月清河鎮告險加以王棗家隄上邵家奇險迭出河工局料價緩期民多觀望河工專員幾於束手知縣柳堂星夜赴工愷切曉諭許以料價不足代爲墊發先後供料三百餘萬卒無一累民大工得保無虞因將防汎窩舖改爲調

夫局稟明撫憲永爲定章使防河而不至病農三
年以來著有成效沿河居民如釋重負爲勒碑頌
德焉

徒駭河隄工

光緒十二三年河自聶索橋以上下至申家橋淤
三十餘里與平地無殊十八年知縣焦維霖督民
挑濬而首事胥役不能認真費多工少越年旋又
淤平二十二年知縣柳堂到任問民間疾苦父老
舉以對督令挑濬而首事及胥役等仍蹈故轍乃
於二十三年稟明撫憲仿照商河河工例每丁銀

惠民縣志

地輿志

五

一兩出河工錢四百文擇老練首事一人專董其
事不假胥役之手頗著成效嗣以二十四年黃流
爲災民力竭蹶河工

錢四百卽

行停止

沙河隄工

沙河舊無隄岸每逢雨潦則水由城南二道口名一

黑風口一流入城濠河北堵塞河南挑濬屢次興

名齊東道訟官亦不言其宜挑宜塞也水涸訟亦息焉迨咸

豐乙卯黃流北注河北居民及陽信閭境之民合

謀築隄河南止沿河十數村莊相爲敵仇鮮所脅

從故衆寡不敵然每逢水患未嘗不相持也嗣經

八調處河南地之附近二道口者皆價賣於河北因將道口填高里許官亦若與爲調停光緒八年知縣周以恩始倡民修築知府奎瑞以爲前無成案旋又自決十二年知縣蕭啟祥復倡民修築十七年知府德椿檄令五縣會修從此官爲主張二十四年黃水泛濫河身作風雷之聲無故自陷由下而上瀕至城之正南恐此後海舶可至而隄工之修愈不容緩已

按沙河五縣會修之段均商河管轄在沙河集上下五縣者直隸之慶雲及樂陵商河陽信惠民也

惠民縣志

地輿志

六

每段約五里許向以仁義禮智信分記始修於光緒十六年續修於二十年皆由慶雲縣稟准以此處一溢慶雲全境被災樂陵陽信惠民亦波及焉惟商河被災之村無多故四縣者助之二十四年濟陽縣桑家渡黃河漫溢此處十分危險今春邑紳武錫慶等有鑒於此稟准 太尊札飭興修已有成議嗣以地方不靖中止前會哨與商樂陽三大令晤談及此事意見未能悉合且恐慶雲兵荒較甚不暇及此也暫爲停止以待將來使有所考

焉

西惠民溝

溝在城西南十八里大杜家東張家西向爲沙河
南數十村瀉水之處嗣以黃水淤梗不能引水入
河每至成災乃相地之宜購地疏濬救出腴田數
十頃稟明 上憲立石爲文記之並命名其曰
西者以東有惠民溝別之也

以上二條知縣柳堂補記

惠民縣志補遺

學校志

義學

惠字約東門作人義學

惠字約西門成德義學

惠字約南門歌風義學

濟字約北門拱辰義學

以上義學四處由府署節省鹽規設立已詳前志知縣柳堂命名

惠字約文臺儲英義學由縣捐發脩餼銀六十兩

惠民縣志

學校志

八

已詳前志知縣柳堂以宣講

聖諭與四門義學各捐廉津貼京錢十千爲文記之

紀字約官窰莊集義義學莊衆捐錢成本生息歲

支脩餼京錢壹百千知縣柳堂採入命名

紀字約李家店振紀義學學田三十餘畝收租三

十五千作爲脩餼知縣柳堂因興訟而立

綱字約鄭家園明倫義學係該莊公項生息內支

京錢三十餘千作爲脩餼知縣柳堂採入命名

光緒二十六年復捐錢三十千以補不足

綱字約夏家橋嘉惠義學有淤地收租壹百餘千

作為脩館知縣柳堂立並予塾師廩貢生王敬
修以善教人匾額以獎勵之舊在大范家三元廟內以黃水冲毀
北移

網字約魏家集振德義學脩館京錢壹百千紳董
魏肇祥捐備知縣柳堂勸立予以匾額並為文
記之

便字約清河鎮興善義學

便字約翟劉莊嘉善義學

以上二學均由地方善舉生息項下提京錢五
十千作為脩館知縣柳堂因白太王廟義學廢

惠民縣志

學校志

九

弛分立並予今名

度字約自新王家即窩狗王家向義義學脩館由公項

生息提用知縣柳堂因興訟捐立並為文記之

度字約朱家坊養正義學學田二十六畝餘收租
三十四千零作為脩館知縣柳堂採入命名光
緒二十六年復捐錢三十千增息以補不足

方字約鄧家端蒙義學蔣離明李斗詩立已補入
前志知縣柳堂予以英才樂育匾額並為文記
之

人字約葦子高家平爭義學學田三十二畝收租

作爲脩餼已載前志因田單二莊構訟知縣柳堂改今名並爲文立石記之

人字約劉先生家莊扶正義學學田三十畝零收租作爲脩餼已載前志莊棍劉維清構訟田雲和捐上地十畝知縣柳堂賞以樂善好施匾額並易今名爲文記之

和字約王判鎮繩武義學脩餼京錢壹百千係紳董李思由之祖捐備已載前志知縣柳堂易今名並爲文記之

以上舊設義學十八處

惠民縣志

學校志

新立義學引

邪教非能惑人人自爲邪教惑耳其爲邪教惑者何見理不明也其見理不明何未嘗讀書也然則欲杜絕邪說昌明正教自必以廣興學校爲第一要務矣光緒二十六年拳匪仇教釀成鉅禍除照東撫新章匪產變價撫卹教民外因勸小康之家出資設立義學小以成小大以成大有不敷者捐廉助之已立郭家莊等若干處由是讀書者日益衆明理者日益多自不至爲邪教所惑或於風化不無裨益云知縣事柳堂序

法字約郭家莊近義義學

和字約田家集閑邪義學以上二學本金均京錢
四百千

直字約李家莊崇正義學

民字約張家集存誠義學

人字約永利鎮濟公義學

人字約河套孫家秉公義學以上四學本金均京
錢三百千

濟字約西孫家嘉矜義學

直字約王家集效順義學

惠民縣志

學校志

十二

民字約第三堡守正義學

民字約新店旌功義學

綱字約成官莊正心義學

公字約淄角鎮省過義學以上五學本金均京錢
二百五十千

道字約青陽店作新義學舊有公項生息不敷復
增本金京錢壹百千

以上義學十三處光緒二十六年知縣柳堂創
立發給各學本金均照二分生息延請塾師並
立章程十四條飭各莊長遵照

公字約大灣耕心義學光緒二十四年黃水將灣
亦平居民爭種纏訟不已知縣柳堂親詣逐段
勘丈得地一項十三畝零即飭原種之戶分上
中下三等納租每年共得京錢五十八千文以
五十千延請塾師在該莊立義學以息爭端
直字約申家橋經畚義學東脩京錢五十千由徒
駭河淤地租價按季分領

以上義學二處光緒二十六年知縣柳堂續立
三臺書院條規已詳前志惟齋課向無獎賞光緒
十八年代理縣事呂鍾動用公款每月獎十五

惠民縣志

學校志

三

千二十三年知縣事柳堂每月捐廉加十五千
二十七年升任東平湖行復捐京錢二千緡發
惠同和鹽店按一分起息申詳 上憲以作每
月加獎

賓興

學田

光緒己丑知縣韓釗節省三臺書院膏獎量入爲
出每年張貼清單俾有餘項自十五年至二十年
積一千六百餘緡知縣孫國楨令舉人武錫慶等
置地四十畝零按畝徵租作鄉會試賓興之費

原契

光緒二十六年知縣柳堂以歷年書院節省京錢九百七十千賓興地租存餘京錢三百六十千令舉人武錫慶等置地三十三畝零共費京錢一千五百六十千零不敷之數預提明年生息京錢二百四十千收租作爲賓興之費

文契附卷

元卷

賓興之禮久廢不舉光緒丁酉知縣柳堂仿古制舉行籌出胥吏侵吞之款赴鄉試者人給元卷二兩五錢會試二十五兩貧者加增至三十兩稟明

惠民縣志

學校志

三

上憲立案著爲定章並爲文記之

惠民縣志補遺

五行志

祥異

咸豐五年六月七月之交飛蝗蔽天 十一年秋
人染痘病面色黃不食無力嘔吐比戶皆然女之
受娠者罔不隕命

同治元年四月初五日天氣清明忽於巳時有霧
從西北來瀰漫村莊咫尺莫辨少頃即過林木點
滴如雨 七月十四五夜星自東北向西南紛流
陸續不斷

惠民縣志

五行志

六

光緒八年正月初三日夜大震雷 十四年五月

初四日地大震房屋多毀敗者連震十餘日

海豐東南

關塔十三層崩摧六層
瀕海地裂溢出黑水

十五年河決溘溝徒駭

以北淹沒村莊無算奉

旨賑卹 十六年河決豆腐窩淹沒村莊無算奉

旨賑卹 十八年六月二十九日河決南北王家附近

村莊廬舍盪盡 十九年正月初三日河決河套

崔家附近村莊廬舍盪盡 二十四年六月二十

六日河決桑家渡被災者八百餘莊奉

旨分別輕重賑卹知縣柳堂倡捐銀三百兩並勸鹽當

各商集銀數千餘兩在城隍廟設立粥廠日養窮民近二千人並設平糶局以減糧價

山東京官籌捐賑款若干

萬兩戶部主事劉彤光來郡赴各災區賑濟

惠民賑一萬二千兩官賑不及者概行施放

二十六年春巡撫袁出示各州縣禁止義和拳會

時縣境未有學者 夏四月縣東關有甯津縣宋

姓童子二教人以降神之咒童子皆用爲戲知縣

柳堂聞之驅逐出境越二日自相傳習者已五六

人父兄罔不呵止私習者究不能禁也然尚知畏

官 五月天津京都拳會布滿街巷毀鐵路斬電

杆十七日以後又皆燒洋樓仇殺洋人及奉教者

惠民縣志

五行志

五

無算

皇上諄復勸解不忍加誅有不論會不會止論匪不匪

之論二十四五日縣南境有習拳者洋教鳴諸

知縣柳堂刻即下鄉勸諭禁止 六月初二初三

日夜間城鄉皆鳴鞭執火然爆竹追逐紙人拳民

倡之平民助之拿獲紙人審視中心有鮮血一點

且書日兵二字 先是自直省訖傳洋人下藥井

中塗血門上以毒害良民留心詳察信有蹤迹

井中

下藥有被獲者有淘出 拳會皆傳方破解而信者

者門上血各莊皆有 柳注或云皆義和 又聞

乃衆

拳爲之故神其術

上諭嘉獎賞給銀米有三尺童子能執干戈以衛社稷之語由是督軍董福祥斬夷酋一人日與洋人相攻而習拳者乃不禁山東則仍禁時有慶雲拳會來城求安糧臺知縣柳堂婉言却之而去是月天氣亢旱日赤如血十七八日洋人陷天津二十二日一日拳會頭目劉效忠偕官兵收復柳注或云裕制軍飾報上諭嘉獎賞四品京堂有勝於官兵百倍之語禍基於此各省督撫會銜進奏以為邪教當勦雖偶勝不能常勝各國協以謀我萬不能支並聲明李秉衡意見相同得

惠民縣志

五行志

六

旨洋人之在中國者仍照常保護傳諭各省州縣知之知縣柳堂當即出示速令解散復連日下鄉勸諭罔不改悔時直省釁隙已成無能禁止

欽差大臣李秉衡勤王到京 詔幫辦相臣榮祿武衛軍夏辛酉二十四營均歸節制得

旨赴通州與洋人接仗一晝夜互有殺傷奈子藥已罄新統之師將士不相嫻習又多不用命竟於七月十八日以身殉而京師遂以二十日陷

兩宮西狩蒙塵矣 八月初六日

駐蹕太原下 詔罪已仍照張之洞劉坤一所議力任